

Universitätsbibliothek Paderborn

**B. Alberti Doctoris Magni ex Ordine Prædicatorum
Episcopi Ratisponensis De Adhærendo Deo Libellvs**

**Johannes <de Castello>
Albertus <Magnus>**

Antverpiae, 1621

Cap. LVIII. De exhumatione corporis Alberti, & qualiter repertum est non omnino consumptum.

urn:nbn:de:hbz:466:1-44148

CAPUT LVIII.

*De exhumatione corporis Alberti, &
qualiter repertum est non omnino
consumptum.*

DE inuentione autem vel potius transpositione corporis eius subiungentes, notandum est, quod anno Domini M. CCCC. LXXXIII. tertio Idus Ianuarij, altera scilicet die sancti Pauli primi Eremitæ, iussu Reuerendi Magistri Ordinis tunc Coloniæ præsentis, videlicet Fratris Salui de Panorma, apertum est sepulchrum venerabilis Alberti ferreis instrumentis, quia facilis non erat accessus propter lapidem grandem superpositum. quo aperto in præsentia Reuerendi Magistri Salui præfati, ac Prouincialis Prouinciæ Teutoniæ, Priorisque Conuentus Coloniensis, sacrae Theologiæ Professoris; necnon in præsentia Domini Rectoris almæ Vniuersitatis Coloniensis, ac ceterorum Magistrorum Theologicæ Facultatis, & multorum Fratrum, reperturn est corpus quod quærebatur. Sarcophag-

cophagus de lapide siquidem inuentus est, in quo tumba lignea continens venerabilis Alberti corpus terra cooperatum. Nam asser quo tumba ipsa clausa fuerat, consumptus fuit; nimirum quia sic ducentis & tribus annis cum corpore in terra iacuit. Sarcophago igitur vna cum lignea tumba & corpore eductis in lucem, terra omnis per Fratres de tumba exponitur, corpore dimisso intacto; quod baculum Pastoralem habuit in manu, annulum de cupro in dito, sandalia in pedibus, & mitram Pontificalem in capite. Et cum tanto tempore, ut dictum est, in terra iacuisse corpus venerabilis Pontificis, non tamen foetor aliquis de ipso exhalabat, sed odor suavis de illo emissus adstantes refecit. Sed quod mirabilius videtur, nec ipsum corpus omnino consumptum fuerat, quia materia oculorum in ipsis sedibus luminum usque nunc perseverat, & caro in mento cum particula barbae similiter, atque una auricula arefacta. Sed & humeri non omnino consumpti sunt, cum etiam unus humerus pro maiori parte integer est. Insuper & crura sunt, quibus caro adhærens

rens arida cernitur, pedesque cum ipsis
sandaliis ossibus crurium inhærent, &
totum corpus superius indissolutum
quoad ossa & iudicium usque hodie
in eadem tumba iacet. In collo vero,
ubi adhuc una canna cernitur, quæ, ut
puto, continuari solet pulmoni, vel
alteri membro vitali, dependebant
hæc, videlicet particula de Cruce Do-
mini, & denarius perforatus cum cla-
uo Domini, atque unum Agnus Dei
de cera serico inuolutum: quæ, ut cre-
dimus, devotionis gratia in vita por-
tare consueuerat, cum quibus & se-
pultus est. Sic ergo hæc membra &
nunc cernuntur, cum sit tamen quar-
tus annus post sepulchri aperitionem.
Et hoc quidem iustè omnipotens Deus
in gleba exanimata Alberti fieri vo-
luit, quia intemeratae Virginis Matri
hic Doctor in vita amator atque lau-
dator singularissimus extitit, nec du-
bius & imitator feruentior.

C A-